

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ৪৪/২০১৭

ঢাকা, বুধবার ১ মার্চ ২০১৭, ১৭ ফাল্গুন ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। এনইসির বৈঠকে সংশোধিত বার্ষিক উন্নয়ন কর্মসূচি অনুমোদন
- ২। জঙ্গিবাদবিরোধী প্রচারে ব্যাপক সাড়া মিলেছে : প্রধানমন্ত্রী
- ৩। পুলিশ বাহিনীতে ৫০ হাজার পদ সৃষ্টি করা হচ্ছে : স্বরাষ্ট্রমন্ত্রী
- ৪। অযৌক্তিক ধর্মঘট প্রত্যাহার করুন : সড়ক পরিবহণ ও সেতুমন্ত্রী
- ৫। মমতা ও ভালোবাসা দিয়ে রোগীদের সেবা দেওয়ার আহ্বান স্বাস্থ্যমন্ত্রীর
- ৬। আনসার সদস্যদের চাকরি ছয় বছরেই স্থায়ী : সংসদে বিল পাস
- ৭। আগামী ৬ মার্চ সারাদেশে 'জাতীয় পাট দিবস' পালিত হবে
- ৮। জাপানি নাগরিক কুনিও হোশি হত্যার দায়ে ৫ জঙ্গির মৃত্যুদণ্ড
- ৯। বজ্রপাত নিয়ন্ত্রণে গ্রাউন্ডিং রডের মান নিশ্চিত করতে হাইকোর্টের নির্দেশ
- ১০। সহজ হলো বিদেশি পর্যটকদের ডলার ভাঙানোর নিয়ম
- ১১। বিমান বহরে যুক্ত হচ্ছে স্বন্নের ড্রিমলাইনার

১। এনইসির বৈঠকে সংশোধিত বার্ষিক উন্নয়ন কর্মসূচি অনুমোদন

চলতি অর্থবছরে স্বায়ত্ত্বাসিত প্রতিষ্ঠানসহ সংশোধিত বার্ষিক উন্নয়ন কর্মসূচির (আরএডিপি) আকার দাঁড়িয়েছে ১ লাখ ১৯ হাজার ২৯৬ কোটি টাকা। চলতি অর্থবছরের মূল এডিপিতে আকার ছিল ১ লাখ ২৩ হাজার ৩৪৬ কোটি টাকা। সে হিসেবে সংশোধিত এডিপিতে বাদ দেওয়া হয়েছে ৪ হাজার ৫০ কোটি ও লাখ টাকা। এর মধ্যে সরকারি তহবিলের রয়েছে ৭৭ হাজার ৭০০ কোটি, বৈদেশিক সহায়তা ৩৩ হাজার কোটি এবং স্বায়ত্ত্বাসিত সংস্থার নিজস্ব অর্থায়ন ৮ হাজার ৫৯৫ কোটি ৯৭ লাখ টাকা। সংশোধিত এডিপিতে বরাদ্দের ক্ষেত্রে সর্বোচ্চ অগ্রাধিকার দেওয়া হয়েছে পরিবহণ খাতে। গতকাল ২৮ ফেব্রুয়ারি মঙ্গলবার শেরেবাংলা নগরে পরিকল্পনা কমিশনের এনইসি সম্মেলনকক্ষে জাতীয় অর্থনৈতিক পরিষদের (এনইসি) সভায় এ আরএডিপির অনুমোদন দেওয়া হয়। সভায় সভাপতিত্ব করেন প্রধানমন্ত্রী ও এনইসির চেয়ারপারসন শেখ হাসিনা। সূত্র-সংবাদ (শেষ পৃ.ক.১), ইন্ডিফাক (পৃ.১.ক.১), অবজারভার (শেষ পৃ.ক.১), এশিয়ান এজ (শেষ পৃ.ক.১)।

২। জঙ্গিবাদবিরোধী প্রচারে ব্যাপক সাড়া মিলেছে : প্রধানমন্ত্রী

প্রধানমন্ত্রী শেখ হাসিনা বলেছেন, তার সরকার সন্ত্রাস ও জঙ্গিবাদবিরোধী প্রচারে জনগণের ব্যাপক সাড়া পেয়েছে। তিনি বলেন, সরকারের চলমান প্রচারের কারণে জঙ্গিবাদ ও সন্ত্রাসবাদের বিরুদ্ধে ব্যাপক জনসচেতনতা সৃষ্টি হয়েছে। ব্রহ্মনাথের নবনিরুক্ত হাইকমিশনার হাজাহ যাসুরাই হাজি মাসরি গতকাল ২৮ ফেব্রুয়ারি মঙ্গলবার প্রধানমন্ত্রীর সঙ্গে তার জাতীয় সংসদ ভবনের কার্যালয়ে সাক্ষাৎ করতে গেলে তিনি এসব কথা বলেন। সূত্র-সমকাল (পৃ. ১৯,ক.৫), জনকর্ত (শেষ পৃ.,ক.৮), নিউজ টুডে (শেষ পৃ.,ক.১), ডেইলি সান (পৃ.২,ক.২),

৩। পুলিশ বাহিনীতে ৫০ হাজার পদ সৃষ্টি করা হচ্ছে : স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খান কামাল বলেছেন, দেশের আইনশৃঙ্খলা উন্নয়নের লক্ষ্যে বর্তমান সরকার পুলিশ বাহিনীতে ৫০ হাজার পদ সৃজনের নীতিগত সিদ্ধান্ত গ্রহণ করেছে। গতকাল ২৮ ফেব্রুয়ারি মঙ্গলবার দশম জাতীয় সংসদের ১৪তম অধিবেশনের ২৪তম কার্যদিবসে স্বরাষ্ট্রমন্ত্রী এসব কথা বলেন। তিনি বলেন, দেশের জনসংখ্যার অনুপাতে পুলিশের জনবল যথেষ্ট না থাকায় ভবিষ্যতে আরও জনবল বৃদ্ধির বিষয়টি বিবেচনা করা হবে। স্বরাষ্ট্রমন্ত্রী বলেন, দেশের আইনশৃঙ্খলা উন্নয়নের লক্ষ্যে সরকার পুলিশ বাহিনীতে ৫০ হাজার পদ সৃজনের নীতিগত সিদ্ধান্ত গ্রহণ করেছে। এরই অংশ হিসেবে সকল জেলার সাংগঠনিক কাঠামোতে থানা, তদন্ত কেন্দ্র ও ফাঁড়িসহ বিভিন্ন পদবির ৪১ হাজার ৪২২টি নতুন পদ সৃজন করা হয়েছে। সূত্র-সংবাদ (শেষ পৃ.,ক.৪), যুগান্তর (পৃ.২,ক.৮), বাংলাদেশ টুডে (পৃ.২,ক.৬)।

৪। অযোক্তিক ধর্মঘট প্রত্যাহার করুন : সড়ক পরিবহণ ও সেতুমন্ত্রী

আদালতের রায়ে চালককে কারাদণ্ড দেওয়ার প্রতিবাদে ডাকা পরিবহণ ধর্মঘটকে অযোক্তিক আখ্যায়িত করে তা প্রত্যাহারের আহ্বান জানিয়েছেন সড়ক পরিবহণ ও সেতুমন্ত্রী ওবায়দুল কাদের। তিনি বলেন, আদালতের রায় নিয়ে জনগণকে ভোগান্তিতে ফেলার অধিকার পরিবহণ শ্রমিকদের নেই। গতকাল ২৮ ফেব্রুয়ারি মঙ্গলবার রাজধানীর ইঞ্জিনিয়ার্স ইনসিটিউশন মিলনায়তনে ঢাকা মহানগর দক্ষিণ শাখা ছাত্রলীগ আয়োজিত আন্তর্জাতিক মাতৃভাষা দিবসের আলোচনা সভায় প্রধান অতিথির বক্তব্যে তিনি এসব কথা বলেন। সূত্র-জনকর্ত (পৃ.১,ক.৭), ইনকিলাব (পৃ.১,ক.৩), অবজারভার (পৃ.১,ক.৫), এশিয়ান এজ (শেষ পৃ.,ক.৭)।

৫। মমতা ও ভালোবাসা দিয়ে রোগীদের সেবা দেওয়ার আহ্বান স্বাস্থ্যমন্ত্রীর

মমতা ও ভালোবাসা দিয়ে রোগীদের সেবা দেওয়ার জন্য চিকিৎসকদের প্রতি আহ্বান জানিয়ে স্বাস্থ্যমন্ত্রী মোহাম্মদ নাসিম বলেছেন, সরকারি হাসপাতাল ও স্বাস্থ্য কেন্দ্রগুলো এখনো দরিদ্র সাধারণ মানুষের চিকিৎসা পাওয়ার শেষ ভরসাস্থল। বেসরকারি হাসপাতালে চিকিৎসা নেওয়ার আর্থিক সামর্থ্য তাদের থাকে না। সরকারি হাসপাতালে সেবা না পেলে তারা হয়ে পড়ে অসহায়। দরিদ্র রোগীদের বিষয়টি বিবেচনায় নিয়েই প্রধানমন্ত্রী শেখ হাসিনার নির্দেশে প্রণীত হচ্ছে ‘সর্বজনীন স্বাস্থ্যসেবা আইন’। গতকাল ২৮ ফেব্রুয়ারি মঙ্গলবার রাজধানীর একটি হোটেলে বাংলাদেশ প্লাস্টিক সার্জনস সোসাইটি আয়োজিত ‘ইন্টারন্যাশনাল কনফারেন্স অন প্লাস্টিক সাজারি’ শীর্ষক সম্মেলনের উদ্বোধন

অনুষ্ঠানে প্রধান অতিথির বক্তব্যে তিনি এসব কথা বলেন। সূত্র-ইভেফাক (শেষ পৃ.ক.৬), জনকর্ত্ত (শেষ পৃ.ক.৭), যুগান্তর (পৃ.৩,ক.১), ডেইলি সান (পৃ.৩,ক.২)।

৬। আনসার সদস্যদের চাকরি ছয় বছরেই স্থায়ী : সংসদে বিল পাস

ছয় বছরেই আনসার সদস্যদের চাকরি স্থায়ী হবে এখন থেকে। আগে ৯ বছরে চাকরি স্থায়ী করার বিধান ছিল। আগের বিধান পরিবর্তন করে গত ২৮ ফেব্রুয়ারি মঙ্গলবার জাতীয় সংসদে ব্যাটালিয়ন আনসার (সংশোধন)

=৩=

আইন-২০১৭ নামে বিলটি পাস হয়েছে। স্পিকার ড. শিরীন শারমিন চৌধুরীর সভাপতিত্বে শুরু হওয়া সংসদ অধিবেশনে এ সংক্রান্ত বিলটি পাসের প্রস্তাব উত্থাপন করেন স্বরাষ্ট্রমন্ত্রী আসাদুজ্জামান খান কামাল। সূত্র-যুগান্তর (পৃ.২,ক.৮), জনকর্ত্ত (পৃ.১৯,ক.৭), নিউজ টুডে (পৃ.২,ক.১), প্রথম আলো (পৃ.৪,ক.১)।

৭। আগামী ৬ মার্চ সারাদেশে ‘জাতীয় পাট দিবস’ পালিত হবে

দেশে প্রথমবারের মতো ‘জাতীয় পাট দিবস’ পালন করতে যাচ্ছে সরকার। ‘সোনালি আঁশের সোনার দেশ, পাট পণ্যের বাংলাদেশ’ প্রতিপাদ্যে আগামী ৬ মার্চ সারাদেশে ‘জাতীয় পাট দিবস-২০১৭’ উদ্যাপন করা হবে। গতকাল ২৮ ফেব্রুয়ারি মঙ্গলবার সচিবালয়ে জাতীয় পাট দিবস উদ্যাপন উপলক্ষে এক সংবাদ সম্মেলনে বন্ত ও পাট প্রতিমন্ত্রী মির্জা আজম এ তথ্য জানান। সূত্র-সংবাদ (পৃ.১৪,ক.২), সমকাল (পৃ.২,ক.৬), অবজারভার (শেষ পৃ.,ক.৬)।

৮। জাপানি নাগরিক কুনিও হোশি হত্যার দায়ে ৫ জঙ্গির মৃত্যুদণ্ড

জাপানি নাগরিক কুনিও হোশিকে (৬৬) হত্যার দায়ে নিষিদ্ধ ঘোষিত জঙ্গি দল জামাতুল মুজাহিদীন বাংলাদেশের (জেএমবি) পাঁচ জঙ্গিকে ফাঁসির রায় দিয়েছে আদালত। গতকাল ২৮ ফেব্রুয়ারি মঙ্গলবার রংপুরের বিশেষ জজ আদালতের বিচারক নরেশ চন্দ্র সরকার এ রায় ঘোষণা করেন। সূত্র-ইভেফাক (পৃ.১,ক.৪), সমকাল (পৃ.১৯,ক.২), অবজারভার (পৃ.১,ক.৬), এশিয়ান এজ (পৃ.১,ক.৬)।

৯। বজ্রপাত নিয়ন্ত্রণে গ্রাউন্ডিং রডের মান নিশ্চিত করতে হাইকোর্টের নির্দেশ

বৈদ্যুতিক সংযোগে ব্যবহৃত গ্রাউন্ডিং রড ব্যবহারের ক্ষেত্রে এর গুণগত মান নিশ্চিত করার নির্দেশ দিয়েছে হাইকোর্ট। বজ্রপাত নিয়ন্ত্রণের ক্ষেত্রে এই গ্রাউন্ডিং রডের গুণগত মান নিশ্চিত করতে বাংলাদেশ পল্লী বিদ্যুতায়ন বোর্ডের নিয়ন্ত্রণাকে কেন অবৈধ ঘোষণা করা হবে না তা জানতে চেয়ে রুল জারি করা হয়েছে। সূত্র- ইভেফাক (পৃ.৩,ক.১)।

১০। সহজ হলো বিদেশি পর্যটকদের ডলার ভাঙানোর নিয়ম

বিদেশি পর্যটকরা এখন থেকে যে কোনো মানিচেঞ্জারে গিয়ে ডলার ভাঙানোর প্রমাণ দেখিয়ে ডলার নিতে পারবেন। তবে এই সীমা সর্বোচ্চ ৫০০ ডলার। গতকাল ২৮ ফেব্রুয়ারি মঙ্গলবার বাংলাদেশ ব্যাংকের বৈদেশিক মুদ্রানীতি বিভাগ এ সংক্রান্ত একটি পরিপত্র জারি করে যা দেশের সকল মানিচেঞ্জার প্রতিষ্ঠান ও অনুমোদিত ডিলার ব্যাংকগুলোর কাছে পাঠানো হয়েছে। সূত্র-ভোরের কাগজ (পৃ.২,ক.৩), ফিলানশিয়াল এক্সপ্রেস (শেষ পৃ.,ক.৭)।

১১। বিমান বহরে যুক্ত হচ্ছে স্বপ্নের ড্রিমলাইনার

বিমান বাংলাদেশ এয়ারলাইন্সের বহরে যুক্ত হতে যাচ্ছে স্বপ্নের ‘ড্রিমলাইনার’। এ উড়োজাহাজের নির্মাতা যুক্তরাষ্ট্রের বোয়িং কোম্পানি। জাতীয় পতাকাবাহী বিমান এই কোম্পানির কাছ থেকে ৪টি সুপরিসর বোয়িং ৭৮৭-৮ ড্রিমলাইনার উড়োজাহাজ কিনছে। সূত্র-ইভেফাক (শেষ পৃ.,ক.১)।

সম্পাদকীয়

ক. ইভেফাক, জনকর্ত্ত : সড়ক দুর্ঘটনা প্রতিরোধে পরিবহণ মালিক-শ্রমিক ও প্রশাসন উভয় পক্ষকে আলাপ আলোচনা করে একটি বাস্তবসম্মত সমাধান খুঁজে বের করার পাশাপাশি দোষী চালকদের বিচার করে দ্রষ্টান্ত স্থাপন করা না গেলে সড়ক দুর্ঘটনার প্রকোপ কমবে না বলে অভিমত।

- খ. সংবাদ, প্রথম আলো, যুগান্তর, ডেইলি সান, ডেইলি স্টার : বাল্যবিবাহ নিরোধ আইনে ‘বিশেষ প্রেক্ষাপট’-এর অপব্যবহারের সুযোগ নিয়ে বাল্যবিয়ে বাড়বে, বাল্য বিয়ে কমবে না বলে বিভিন্ন মহলের আশঙ্কা প্রকাশ।
- গ. প্রথম আলো : ২০০৩ সালে ঠাকুরগাঁওয়ের কেন্দ্রীয় বাস টার্মিনালের উদ্বোধন হলেও তা আজও চালু না হওয়ায় এ টার্মিনাল চালু করতে মোটর মালিক সমিতিকে প্রয়োজনীয় উদ্যোগ নেওয়ার আহ্বান।
- ঘ. সমকাল : সম্প্রতি ঢাকায় অনুষ্ঠিত এক আলোচনা সভায় স্থানীয় সরকারে নারী প্রতিনিধিদের অবহেলিত থাকার বিষয়ে যে অভিজ্ঞতা তুলে ধরা হয়েছে তার পরিপ্রেক্ষিতে নারীর ক্ষামতায়নের নীতিগত পরিবর্তনের পাশাপাশি ব্যবহারিকভাবেও নারীর ক্ষমতায়ন দৃশ্যমান করে তুলতে ব্যবস্থা নেওয়ার প্রত্যাশা।
- ঙ. যুগান্তর : ঢাকা ওয়াসার ‘ঢাকা মহানগরীর জলাবদ্ধতা দূরীকরণ (ফেজ-২)’ শীর্ষক প্রকল্পের বিরামে উৎপাদিত দুর্বাতির অভিযোগ তদন্ত করে ব্যবস্থা নেওয়ার সুপারিশ।
- চ. ইনকিলাব, নিউ নেশন : বেসরকারি সিকিউরিটি গার্ড ডাকাত দলের সদস্য থাকায় বেসরকারি সিকিউরিটি কোম্পানিগুলোতে সদস্য নিয়োগ প্রক্রিয়াসহ এসব কোম্পানির কর্মকাণ্ডের ওপর নজরদারি বাড়ানোর ওপর গুরুত্বপূর্ণ গুরুত্ব দেওয়ার সুপারিশ।

=8=

- ছ. ডেইলি সান : জনস্বার্থে ২৮টি ওষুধ কোম্পানির তৈরি ওষুধের বিষয়ে হাইকোর্টের নিষেধাজ্ঞা কঠোরভাবে প্রয়োগের পাশাপাশি মার্কেট থেকে এসব নিষিদ্ধ ও নিম্নমানের ওষুধ তুলে নেওয়ার সুপারিশ।
- জ. ইভিপেনডেট : বিভিন্ন সংস্থার নানাবিধ কাজে রাজধানী ধূলায় ও বর্জ্যে দূষিত হয়ে জনস্বাস্থ্যের জন্য ভূমিকা হয়ে পড়ায় সহশ্রিষ্ণুল কর্তৃপক্ষকে বিষয়টিকে গুরুত্বের সঙ্গে বিবেচনায় নিয়ে ঢাকাকে বসবাসযোগ্য রাখতে সবুজায়নের ওপর গুরুত্ব দেওয়ার সুপারিশ।
- ঝ. নিউ এজ : ৬টি রিফাইনারী কোম্পানির বিরামে পেট্রোল পাস্পে অপরিশোধিত প্রাকৃতিক গ্যাস সরবরাহের অভিযোগে আরোপিত নিষেধাজ্ঞা তুলে নেওয়া হলে অন্যরা এ ধরনের অবৈধ কাজে উৎসাহিত হবে বলে সম্পাদকীয় প্রকাশ করেছে।

উপ-সম্পাদকীয়

জনকর্ত্ত পত্রিকায় প্রকাশিত কলামে প্রত্যান্তিক নির্দর্শনগুলো সঠিকভাবে উন্মোচন ও প্রচার করতে পারলে এ দেশে পর্যটকের সংখ্যা বাড়বে তো নিশ্চয়ই, এতিহ্য সমৃদ্ধ দেশ হিসেবে পৃথিবীতে আমাদের পরিচিতিও প্রতিষ্ঠিত হবে বলে উল্লেখ করা হয়েছে।

নিবন্ধ ও ফিচার

সংবাদ পত্রিকায় প্রকাশিত ‘শহরমুখী স্নোত ঠেকাতে প্রয়োজন গ্রামে কর্মসংস্থান’ শিরোনামের নিবন্ধে মোতাহার হোসেন শহরমুখী শ্রমিকের স্নোত ঠেকাতে গ্রামে ক্ষুদ্র ও কুটির শিল্প স্থাপন, মৎস্য চাষ, পশু পালন, পোলান্টি ফার্ম স্থাপনসহ বিকল্প কর্মসংস্থানের উদ্যোগ নেওয়া এখন সময়ের দাবি বলে অভিযোগ প্রকাশ করেছেন।

#

সাহেলা/শুকলা/মরজিনা/রশীদ/তানিয়া/২০১৭/৯.০০ ঘন্টা